



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

«25» մարտի 2019թ.

Ո Ր Ո Շ ՈՒ Մ No. 504/03 Ա

Զկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ԱԷՐՕՍԹԱՐ ԱՄ» ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «ԱԷՐՕՍԹԱՐ ԱՄ» ՍՊԸ-ի (ՀՎՀՀ 02659777, հասցե՝ ք. Երևան, Սայաթ-Նովա փ. թիվ 19, պետական գրանցման համար՝ 286.110.953477) չկատարված հարկային պարտավորությունը 26.02.2019 թվականի դրությամբ կազմել է 5.808.127 դրամ, որից ապառք՝ 3.369.453 դրամ, տույժ՝ 2.438.674 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին 27.02.2019 թվականին հարկ վճարողը էլեկտրոնային փոստային հասցեի միջոցով պատշաճ կերպով ծանուցվել է, սակայն չի ներկայացել վարույթի նյութերին ծանոթանալու համար և որևէ բացատրություն չի տվել:

Վերոհիշյալ պարտավորության եկամտային հարկի գծով 69.000 դրամն և սոցիալական վճարի (ամսական) գծով 7500 դրամն առաջացել են 2018 թվականի դեկտեմբեր-2019 թվականի հունվար ամիսների եկամտային հարկի և սոցիալական վճարի ամսական հաշվարկից, որի նկատմամբ հարուցվել է վարչական վարույթ և սույն որոշմամբ ենթակա չէ գանձման:

ՀՀ ԿԱ ՊԵԿ իրավաբանական վարչության պետի կողմից 18.12.2017 թվականին կայացվել է չկատարված հարկային պարտավորությունները գանձելու մասին թիվ 3496/03 որոշումը, որի շրջանակներում գանձման ենթակա գումարը կազմում է 248.510 դրամ՝ ներմուծման ԱԱՀ-ի տույժի մասով:

ՀՀ ՊԵԿ իրավաբանական վարչության պետի կողմից 24.08.2018 թվականին կայացվել է չկատարված հարկային պարտավորությունները գանձելու մասին թիվ 2534/03-Ա որոշումը, որի շրջանակներում գանձման ենթակա գումարը կազմում է 3.218.005 դրամ, որի մեջ ներառված է ԱԱՀ՝ 2.449.889 դրամ, որից ապառք՝ 1.621.912 դրամ, տույժ՝ 827.977 դրամ, ներմուծման մասով ԱԱՀ՝ 447.520 դրամ տույժի գումար, շահութահարկ՝ 198.129 դրամ տույժի գումար, եկամտային հարկ՝ 122.467 դրամ, որից ապառք՝ 103.500 դրամ, տույժ՝ 18.967 դրամ:

ՀՀ ՊԵԿ իրավաբանական վարչության պետի կողմից էլեկտրոնային համակարգի միջոցով 14.01.2019 թվականին կայացվել է չկատարված հարկային պարտավորությունները գանձելու մասին թիվ 1450-78 Ա որոշումը՝ 583.734 դրամ գանձելու մասին, որի մեջ ներառված է շահութահարկ՝ 506.146 դրամ, որից ապառք՝ 504.633 դրամ, տույժ՝ 1513 դրամ, սոցիալական վճար /ամսական/՝ 7606 դրամ, որից ապառք՝ 7500 դրամ, տույժ՝ 106 դրամ, եկամտային հարկ՝ 69.982 դրամ, որից ապառք՝ 69.000 դրամ, տույժ՝ 982 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 1.681.378 դրամ, որից

ԱԱՀ-ի գծով պարտավորությունը կազմում է 272.770 դրամ, որն ամբողջությամբ տույժի գումար է և առաջացել է իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածների համաձայն հաշվարկված տույժերից,

ներմուծման ԱԱՀ-ի գծով պարտավորությունը կազմում է 700.288 դրամ, որից ապառք՝ 626.623 դրամ, տույժ՝ 73.665 դրամ, որն առաջացել է 2018 թվականի օգոստոս-սեպտեմբեր ամիսների ներմուծման հայտարարագրերից, իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածների համաձայն հաշվարկված տույժերից,

շահութահարկի գծով պարտավորությունը կազմում է 403.243 դրամ, որից ապառք՝ 120.536 դրամ, տույժ՝ 282.707 դրամ, որն առաջացել է շահութահարկի 2018 թվականի 3-րդ եռամսյակի շահութահարկի կանխավճարից, իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածների համաձայն հաշվարկված տույժերից,

եկամտային հարկի գծով պարտավորությունը կազմում է 292.010 դրամ, որից ապառք՝ 228.000 դրամ, տույժ՝ 64.010 դրամ, որն առաջացել է 2018 թվականի հունվար-փետրվար ամիսների ճշգրտված և 2018 թվականի հուլիս-սեպտեմբեր ամիսների եկամտային հարկի և սոցիալական վճարի ամսական հաշվարկներից, իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածների համաձայն հաշվարկված տույժերից,

սոցիալական վճարի (ամսական) գծով պարտավորությունը կազմում է 13.067 դրամ, որից ապառք՝ 11.250 դրամ, տույժ՝ 1817 դրամ, որն առաջացել է 2018 թվականի հուլիս-սեպտեմբեր ամիսների եկամտային հարկի և սոցիալական վճարի ամսական հաշվարկներից և «Կուտակային կենսաթոշակների մասին» ՀՀ օրենքի 71-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման ջնդիրով են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 59, 88 հոդվածներով՝

Ո Ր Ո Շ Ե Ց Ի

1. «ԱԷՐՕՍԹԱՐ ԱՄ» ՍՊԸ-ից գանձել 1.681.378 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱՐԱՆԱԿԱՆ
ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ բաժին,
գլխավոր մասնագետ Տաթևիկ Ազիզյան
Հեռ. 011 54 91 91 (9168)